



## Mwumbaji Aliipanga Furaha Yetu

**B**wana Mungu akapanda bustani upande wa mashariki wa Edeni, Bakamweka ndani yake huyo mtu aliyemfanya.—**Mwanzo 2:8.**

Bila kujali yote ambayo yamesemwa na kuandikwa kuhusu heshima ya kazi ya mikono, ipo hisia inayoenea kwamba huwa inashusha hadhi. Katika akili za wengi, maoni yependwayo na umma yamekuwa yakibadilisha utaratibu wa mambo, watu wamekuwa wakidhani kwamba haifai kwa mtu afanyaye kazi kwa mikono yake kuwa na nafasi kati ya waungwana. Watu hufanya kazi kwa bidii kupata fedha; na wanapokuwa wamepata utajiri, wanakuwa wakidhani kwamba fedha zao zitafanya watoto wao kuwa waungwana. Lakini wengi wa watu wa namna hiyo huwa wanashindwa kuwafunza wana wao kama jinsi wao wenyewe walivyofunzwa, kwa kazi ngumu yenye manufaa. Wana wao wanaishia kutumia fedha iliyopatikana kutokana na kazi ya wengine, bila kuelewa thamani yake. Kwa namna hiyo wanatumia vibaya talanta ambazo Bwana alikusudia zikamilishe mengi.

Makusudi ya Bwana siyo makusudi ya watu. Hakukusudia kuwa watu waishi katika hali ya kutokuwa na kazi. Hapo mwanzo Yeye alimuumba mwanamume akiwa mwungwana; lakini ingawa alikuwa tajiri katika yote ambayo Mwenye ulimwengu angeweza kutoa, Adamu hakukusudiwa kukaa bila kazi. Mara baada ya kuumbwa kwake, alipewa kazi yake. Alikuwa apate ajira na furaha katika kutunza vitu ambavyo Mungu aliviumba, na katika matokeo ya kazi yake matakwa yake yangepatikana kwa wingi kutokana na matunda ya Bustani ya Edeni.

Wakati wazazi wetu wa kwanza walipomtii Mungu, kazi yao kwenye bustani ilikuwa ni ya furaha, na nchi ilizaa kwa wingi kwa ajili ya matakwa yao. Lakini wakati mwanadamu alipoondoka kwenye utii, alikuwa hana budi kupambana na mbegu zilizopandwa na Shetani na kupata mkate wake kwa jasho. Kuanzia hapo na kuendelea ilikuwa ni lazima apambane katika kufanya kazi ya sulubu na dhiki dhidi ya mamlaka ambayo alikuwa amesalimu amri kwayo.

Kwa kutumia kazi ngumu, lilikuwa kusudio la Mungu kupunguza uovu ulioletwa duniani kutokana na kutokutii kwa mwanadamu. Kutokana na kazi ngumu majaribu ya Shetani yanaweza kushindwa na wimbi la uovu kuzuiwa. Hivyo, japo hufanyika kwa fadhaa, kuchosha na maumivu, kazi bado ndiyo chimbuko la furaha na maendeleo, na ulinzi dhidi ya majaribu. Nidhamu yake inaweka udhibiti dhidi ya hali ya kuendelea nafsi na huhimiza uchapaji kazi, usafi na uthabiti. Kwa namna hiyo inakuwa sehemu ya mpango mkuu wa Mungu kwa ajili ya kurejeshwa kwetu kutoka katika Anguko (Counsels to Parents, Teachers, and Students, 273, 274).

Mwumbaji wa mwanadamu ameweka utaratibu wa mashine hai ya miili yetu... Kila sheria inayotawala mashine ya kibinadamu yapasa ifikiriwe kwa namna ambayo kwa kweli ni ya kimbangu kwa asili, kitabia na katika umuhimu kama Neno la Mungu. Kila uzeembe, tendo lisilofanywa kwa umakini, matumizi mabaya yoyote yanayowekea kwenye mtambo huu wa ajabu wa Bwana kwa kupuuzia sheria Zake zilizoelezwa bayana katika ukaaji wa binadamu, ni uhalifu wa sheria ya Mungu. Tunaweza kutazama na kupendeza na kazi ya Mungu katika ulimwengu wa asili, lakini kuishi kwa wanadamu ni jambo la kushangaza zaidi (Medical Ministry, 221).